

Nelayan tuntutan janji henti operasi pukot kenka

UM 06/02/2024 M15 30

PARIT BUNTAR: Komuniti Perikanan (myKP) Parit 30, Kuala Kurau di sini menggesa kerajaan tidak lagi membenarkan operasi pukot kenka kerana kaedah tangkapan itu memusnahkan hidupan marin dan merosakkan dasar laut.

Bercakap kepada *Utusan Malaysia*, Pengerusinya, Saad Samsi berkata, pihaknya sudah menghantar surat kepada Kementerian Pertanian dan Keterjaminan Makanan Disember lalu agar tindakan dapat diambil bagi menghentikan kegiatan itu.

Katanya, setiap bot yang dilesenkan atas nama kenka dua bot mempunyai dua bentuk pukot yang diubah suai iaitu pukot untuk memerangkap udang dan pukot memerangkap ikan.

“Penggunaan pukot ini bertentangan dengan syarat-syarat lesen vesel kerana ia merosakkan dasar laut, habitat dan pembiakan.

“Ia memerangkap hidupan marin yang sedang membesar dan memberi kesan mata pencarian nelayan tradisi atau nelayan pantai.



SAAD Samsi menunjukkan dokumen tentang saranan operasi pukot kenka dua bot dihentikan. - UTUSAN/WAT KAMAL ABAS

“Nelayan pukot kenka didapati rakus, sering mencerooboh hingga di kawasan tangkapan bot kelas A tanpa mengira waktu termasuk di luar waktu yang dibenarkan iaitu pada sebelah

malam,” katanya.

Kata Saad, penggunaan pukot yang diubah suai sudah dilaporkan kepada Jabatan Perikanan namun pukot pemusnah itu didapati masih terus beroperasi.